

主 編 卞 甫
副 主 編 陳玉宇

明代基本史料叢刊·文集卷
（第一輯）
『洪武、建文朝』

四六

綫裝書局

欽定四庫全書

集部六

柘軒集

別集類五明

提要

臣等謹案柘軒集五卷明凌雲翰撰雲翰字彥冲錢塘人元至正十九年登浙江鄉試榜除紹興蘭亭書院山長不赴洪武辛酉以薦舉召授四川成都教授卒於官所作詩文雜著稿藏於家至永樂中其孫始彙集編綴輯

為五卷朱彛尊明詩綜詩話稱雲翰學於陳
衆仲故其詩華而不靡馳騁而不離乎軌今
案有宣德中玉羽序云莆田陳衆仲提舉浙
路儒政以文鳴於東南程以文聲譽與之伯
仲柘軒汎掃程門獲承指授其里人夏節作
雲翰行述亦云早遊黥南程以文之門是雲
翰所師事者乃以文而非陳旅諸家所紀甚
明彛尊之言未免失於核實惟其謂五言如

陪祭作七言如鬼獵才情奔放不可羈勒直
可舉郁離之旗摩青丘之壘則於雲翰之詩
評品頗當識者不以為溢量焉乾隆四十五
年十一月恭校上

總纂官臣紀昀臣陸錫熊臣孫士毅

總校官臣陸費墀

柘軒集原序

昔宋南渡僑寓錢唐五十年間詩書流澤逮元元統至
元可謂極矣莆田陳衆仲提舉浙路儒政以明潔精深
之文鳴於東南程以文聲譽與之伯仲柘軒先生汎掃
程門而獲親承指授家素饒裕典籍之富擬於鄴侯且
天分異常務學強記而尤潛心易理嘗領鄉薦路梗阻
試春闈行省授蘭亭書院山長不赴非先生志也維揚
朱仲誼於人慎許可得先生詩文讀之亟稱奇士遂納

父也聖朝更化九重儒術首聘先生訓迪時則石林葉
廣居居仲始豐徐一夔大章會稽王裕好問同官者也
王謙自牧張昱光弼俞和子中宋杞授之揚明復初瞿
佑宗吉俞友仁文輔王正道子中張興行中方外若
簡易道泐季潭玘大璞仁一初相友者也資培既厚
發於辭章益無愧於古作者矣後陞成都郡庠典教
卒於官羽比冠叨廩府庠先生適司訓事朔望謁先
聖畢會講堂側聞衆先生談論雖劇談吐語咸根理

要在先生折衷居多今越去三十餘寒暑仰前賢之丰
采與先生之道德恍猶昨日適先生孫宗載持柘軒文
集見示復求予言嗚呼小子何能為役哉喜先生之有
後而遺藁幸托有傳也姑述其行業所自際遇明時履
歷之略繫於後簡庶幾觀者有可考而得之先生姓凌
諱雲翰字彥珩別號柘軒云宣德元年夏五月五日中
順大夫太常寺少卿後學王羽述

柘軒集行述

先生諱雲翰字彥冲生元至治癸亥歲家義安谷里闌
闌間以柘軒自號早遊黥南程公以文之門力學博通
經史潛心周孔之書處一室左圖右書講習其間研幾
極深嚴寒盛暑不輟維揚朱仲誼世號博聞於人慎許
可過而取其文讀之稱奇士遂定交至正十九年己亥
浙省以便宜開科取士登鄉試榜以道梗不及赴都授
紹興路蘭亭書院山長不赴教授姑蘇之常熟高郵張

民兵起退居吳興梅林村號避俗翁國朝洪武初建立
學校招延文學老成經明行修之士訓迪生徒時則典
教葉居仲徐大章司訓王好問瞿士衡莫景行何彥恭
適同其事咸稱得人浙省參政鄱陽周公伯溫扁其讀
書處曰安易總制馬公參政徐公接以賓禮與之唱和
洪武辛酉以薦舉召授四川成都教授卒於官時洪武
戊辰歲也配顧氏生二子長鵬能世其家次鵠舉通經
人材以母老乞歸先生性詳雅和易強於記問飲酒不

過多朋友至者則必與傾倒盡歡雅善張昱光弼俞和
子中王謙自牧宋杞授之揚明復初瞿佑宗吉俞友仁
父輔王正道子中張興行中方外若簡易道初李潭玘
大璞仁一初及王景周毛起宗為詩文友進士沈新民
葉黃方質逮宏等咸出其門先生之學本之六經以明
道參之史漢莊騷以為文題跋古今書畫考論詳備其
為詩詞賦情詠物纖縟穠麗而不失其正至今膾炙人
口傳誦不輟予幼從存齋瞿公得侍先生杖屨見其談

笑議論雖古今傳記稗官小說卜筮陰陽雜家一切諸書莫不歷覽記誦今先生已歿四十年舊藁再經兵燹所存者十不一二其孫文顯能不墜其業命予昱為邑庠弟子負數過從予間至其家報謝與文顯昆仲談及往昔因出所存藁蓋輯於癸亥之歲者其間塗註點竄不可盡識歸至夾城別業時平地積雪數尺門無雜賓推測文義補綴殘缺其間不能無舛訛之憾乃次第詩文為若干卷命長子選繕寫成帙俾藏於家以傳將來

嗚呼世固有以詩文名世及其身後遺文舊稿託之門
生故吏期鉸梓以傳不朽之名不幸厄於蟲鼠童孺水
火者甚多孰得如先生有子若孫使手澤不廢其儀刑謦
欬儼然如在復加繕寫將垂不朽之譽予也後生末學
於先生制作之工拙不敢妄議今因袁氏之請姑書此
於末簡候知者為之序永樂二十年歲在壬寅冬閏十
二月望日鄉貢進士同知壽春里生夏節拜手謹述

欽定四庫全書

拓軒集卷一

四言短句

扇面畫竹

故人清風美人明月胡為來哉君子之節

四言長句

郭景諒畫

明凌雲翰撰

欽定四庫全書

拓軒集

拓軒集